



Vol. 60 No.03

September, 2021

HINNA THAH



KUMPUNAN

“LALPA DIINGA PHATUAMNGAI”

Tita 2:14

HINATHAH

Vol. 60 No. 01 | July, 2021|

Editorial Board

Editor

Rev. Thangkhanlal Hangluah
(7005433057)

Joint Editors:

1. S. Pauchinlian
(9597515230)

2. Hh. Khaizathang
(7005689071)

Subscription Manager

L. Ginsuanmung

Contribution Editors:

Rev. B. Nengzachin

Rev. T. Chinkhangen

Rev. H. Kamkhanlal

Rev. T. Danial

Rev. P. Khamthianmang

Rev. Paukhochinjam Thangsing

NTBCA Office contact no.
7630096496

contents

- Editorial..... 01
- Lungsiatna chi li -te 02
- Kipumkhatna 13
- Kouhtuam kihdahhuai 16
- Na haatna bang ahiai..... 20
- Kum saang lalgam 22
- Augustine of Hippo tanchin..... 24
- HBCH..... 32

Hinna Thah laah man kum khatin

By Hand = Rs. 150

By Post = Rs. 200

Email Id: ntbca@yahoo.com

Thusuah photmah Editor ngaihdaan
ahi veh sih, a suahtute'n moh
akipuaah diing uhi.

PATHIAN GAM NA KAWM VAH (Luke 10:11b)

By, Rev T. Chinkhangen

“... Ahihvang in Pathian gam na kawmvah ahung tungta chih he un, chi un. Luke 10:11b”

AD kipat tung lai in Israel gam ah Jesu beh leh phungten jong Pathian gam leh hun chu ana hekhial mahmah maiva, agintaat uh banglou tah in Jesu in hi khovel ah lalgam dinkhe lou in a nungjuuite asihsan deel ta mai hi.

Hi khovel ah kumpi lalgam pai daan (system) tuamtuam atam mahmah hi huchu mipi vaihawmna (democratic) gam bang, sepaih (military) vaihawmna, communist vaihawmna, leh adangdang atam hi. Tuni a I soinop peen chu Pathian lalgam bang ahiai chih ahi. Paul in Rome mite kawm ah, PATHIAN GAM CHU NEEH Leh DAWN THU AHI SIH A; HIMAHLEH DIHTATNATE, KILEPNATE, HULEH HAGAU SIANGTHOU A KIPAAHNA BANG AHI JAW ana chi hi. (Romete 14:17).

Tuni in gingu hinkhua ah DIHTATNATE, KILEPNATE, leh HAGAU SIANGTHOUA KIPAAHNA-te I kawm ah aum ei chih kiveelthah chu I damna uh lampi umsun ahi. Hitobangte tellou in pawlpi, gamsung, kouhtuam, leh insung a dam ngei sih diing hi. I hoihna diingun bangteng, administration system, seminar, Huleh financial power-te nasatah in bawl mah Jong lei ei sung apat dihtatna, kilep utnate, HAGAU SIANGTHOU thopnate, leh lungsiatna a I kigam laat leh bang teng bawl Jong lei aphantuam sih diing hi.

Paul in Korinthte kawm ah, mihing haamte leh Angel haamte in Thu chu soi mahlang lungsiat na ka neih louh in chu sum eng tunging aha, ahihlouhleh daah khutbet ging aha bang giap ka hi diing hi, (I Kor.13:1) ana chi hi.

Tuni in mimal insung chin leh pawlpi sung ah Pathian kumpi gam in mun a nei in, a tang na maw? Chih I kidotna uh hileh I

chi mahmah mai hi. Pathian kumpi gam jaw NEEH leh DAWN SILH leh TEEN, SUM leh PAAI, INN leh LOU-te hi lou in LUNGSIAT na a khat leh khat nna kitohsah ahi.

Lalpa'n athu vaangpiah ta hen.



LUNGSIATNA CHI LI-TE

- Pastor Lalpi, Ntbc, Thanlon

Amasa peen in a hung paipah diing I hundampa Lalpa Jesu Khrist minin na bawnun chibai.

Tu tung Hinna thah a message gial diingin houtute deihsahna ka tan manin amaute tung leh Lalpa tung ah kipaahthu ka gen masa hi. Huleh lehkhagial chi jong akihihlauh manin huphulh na lian tah ka nei hi. Abang abang hileh guat a ka um bangan "Lungsiatna chi lite" : Eros, Storge, Agape leh Philia chihte thupi a mangin lehkhabu tuamtuum enkawm leh Bible pansan in sau loulou in i en diing uhi.

1. EROS: What is eros love in the Bible? Bible a Eros kichi bang ahiai Saap haamin ina en masa diing uhi.

English word "erotic" It means romantic, the physical, sensual love found between husband and a wife. Eros come from the Mythological Greek god eros

and was the god of love, the god of sexual desire, physical attraction and physical love.

Eros, kichi ana kizatsualnate, lungsiatna a dihluu tah a zatna jong nasatahin a um hi. Khenkhat chu sa ut na piang sah thei lim hoih lou leh etnop huai lou kihdah huai tahtahte bang ahi. Pian dan a kilawmlou taha gamtatna bang, zumna um hetloua kilungsiat loupai kilungsiat tah bang a gamtatna bang, tahsa utna suhpiching theih na diing giap a kilungsiatna bang, lemching, sum loh chihte Pathian in a za thadah leh a huat mahmah te ahih lailai in khovel mite'n a hah bawl mahmah uhi.

Mathai 5:27-28 "Malai mite kawm a, na angkawm louh diing ahi chia ka na soi na ja

ta uhi. Hijongleh ken chu na kawmvah ka soi ahi, koipouh numei enlah tah a enin alungsim ah amah nu toh a angkawm jouta hi”

Pathianin lungsim siang a deih mahmah mai hi. Midangte a diinga hoihna tun tu hilou siatna tun theih chough lungsim nei jong akium mahmah hi. Numei enlah tah a en chu angkawm amah nu toh angkawm ahi nalai hi. Amah nun ahung heetlough kaala jong angkawm ana suah sah theih ahi. Numei kicheina jong chu pilvan a poimoh mahmah diing hi. Numei kichei siam louten nikhat in mi bangjah a maw khat a angkawm sah thei uhi.... Lungsim a ngaihtuah na jong angkawm ahieh leh ka chih na ahi.

The slaying lust: tual thah na toh kisai. (Tahsa utna suhlupna toh kisai)

II Kor. 5:17 *“Hujiahin mi koipouh Khrist a aum in chu, silsiam thah ahita hi, silluite abei ta a, ngaiun sil jousiah ahung thahvehta hi”*

Kolosite 3:5-6 *“Hujiahin na tahsa hiang uh lei a umte sulum un, kingaihnate, bolhhohnate, kietlahna hoihloute, utna giloute, huleh duhamnate,*

(duhamna chu milim biahna ahi) ajiahchu hu silte jiahin Pathian lungthahna chu thumangloute tung ah atung veu hi”

Pathian lungthah na chu hichi bang bol veu te leh ngaihtuah veute tung a tung diing ahieh leh unaute nasa tah a kingaihtuah ngai ahi. Bible in asoi lah hung dih mahmah diing ahieh jiah in.

Galatiate 5:1 *“ Hujiahin suah hinonlou diinga Khrist in ahung jalensahna ah ding kip unla, suah ngawngkol ah taang kiit non sih un “*

Hebraite 13:4 *“ Mijousiah lah ah kiteenna chu jahbawlin um henla, huleh lupna jong suh buah louhin um heh, himahleh tohuhte leh angkawmte chu Pathian in vai a hawm sah diing hi”*

Tulaiin gingtute a diingin danger a tam mahmah hi. Kivenna diing jong atam mahmah hi. Mahni hatna, pilna, felna, heetna a kiven gual ahi sih hi... Pathian atel louh leh. Mobile phone jong a hoih mahmah laiin danger khat ahi veve hi. Electric post ah danger chih aki tah a, poisa louin kaltou inla va tham dua agui... Na buai ngeingei diing hi. Huchi bang mahin

lungsiatna dihloa lut khah diing chu danger ahi. Leitung a diing chouh ahi sih a ahung siampa deihdan jong ahi sih hi. Huleh gingtute um diing daan jong ahi sih hi.

The fate of the sexually immoral (vangtah) bad news.

Galatiate 5:19 “ Huleh tahsa silbawlte chu a kilang hi, huchuhite ahi:-

- (a) Angkawmna
- (b) Kingaihna
- (c) Thanghuaina
- (d) Huuhna, hichibang silbawl ten Pathian gam aluah sih diing uhi”

God judgement: Heb. 9:27 “ Huleh mihingte a diinga khat vei sih diing, hijongleh hujohchianga vaihawmna guatsa ahi” Leitung ah chu ut bang bang in um lei jong thukhen na top hilou ahi. Suhkhel jiahin jail jong tan theih e, soisah jong thuah theih e, a topna chu hilou ahi chih het ngai ahi.

Thupuandoh 20:12-15 “ Huleh misite, alian aneo, Pathian ma a ding ka mu a, huleh lehkhaha bute aki hong a, huleh lehkhahu dang, hinna lehkhahu jong aki hong a,

huleh misite chu hulehkhahu a kigial bangin a nna toh dung juiun vaihawmsahin a um ta uhi. Huleh koipouhmah hinna lehkhahu a kigiallou, kimulou phot mah chu meidil ah paihlutin a umta uhi” Unautegen beh diing umin ka he lou ahi. Chiangtahin Bible apat imuta uhi. Khat en lai ni...

Thupuandoh 21:8 “ Hijongleh meidawite leh gingta loute leh kihdah umte leh tual thatte leh tohuuhte leh bumhaatte leh milimbete leh juau hatte jousiah tan diing chu mei leh kaata kang diil ahi a, huchuhite sih nihna ahi”

Sex is a creation of God for husband and a wife.... Not for enjoy...

Nupa, a na kinei sate in a zat di uh ahi... Lungsiatna chi khat ahi... Nupa te a di chouh a siam ahi... Gualnopna, sum muhna vel giap diingin Pathianin na tahsa, na meel hoihna, amah limleh meel batpih a hung siam pen hung phal thei gual lou ahi.

1st Corinth 7:4 “ Jiin amah sapum tung ah thu anei sih a, apasal in anei jaw hi. Huchimah bangin pasalin jong amah sapum tung ah thu anei sih a ajiin anei jaw hi” Bible a

ka heet khelh louh leh numei leh pasal aki kim na uh um sunsun jong ahi mai thei hi.

Eros lungsiatna chu kilungsiat na dih lou ahi. Gawtmun tun theih na giap ki lungsiatna ahi. A hungsiampa mun bolna vangam zotna lampi ahi sih a Eros lungsiatna chu gawtmun zawtna lampi ahi. Misualte lampi jong ahi. Gingtute a diingin ahi sih hi.

2. Storge love.. Storge lungsiatna: Innkuan kilung siat na lam a koh deuh hi. Greek lungsiatna laimal chikhat ahi. Storge pronounce stor-jay is a Greek word that is used in Christianity to means Family love... Innkuan sung a ki thuman na lam leh ki zah bawl na lam a koh diah hi (honour and respect)

Exodus 20:12 “ Napa leh nanu jahbawlin Lalpa na Pathian in ahung piah gam ana damsung nite a sawt theih na diingin “

Jahbawl.. Honour innkuan sung a diingin apoimoh mahmah te lah a khat ahi. Nupa jong ki zahbawl diing ahi. Taten jong innsung a nulehpate anih va a jahbawl diinguh ahi. Papen chouh jahbawl in nupen jahbawl het lou chih jong um thei ahi.

Pathian in ahung chiam ahi a hih jahbawl na chu nang a kinga ahi mai hi.

Ephesa lehkhabu ah Napa leh nanu jahtat in huchu chiamnei thupiah masa pen ahi. Jahtat.. Respect... Anih a neih diing ahi. Tate mohpuah na lam deuh a koh hi. Exodus ah.. Damsung nite a sawt theih na diing achi hi.

Ephesus ah.. Leitung ah na damsawt diing chi hi. Hih in innkuan asu kha mahmah hi (honour and respect). Mohpuahna chi khat ahi jong chih theih veve hi. Noah leh a innkuante Pathian in a ompih a tuichim ah asuah ta uhi. Bangjiah ahi diai? Apa leh anun Pathian thupiah jui.. Ataten anuleh apa jahbawl leh jahtat uh, Pathian thupiah a juuh jiah va Pathianin tuichim apat a innkuan va hundam ahi.

Rome 1:31 “ Heetsiamna nei loute, thuchiam botsete, pianpih lungsiatna nei loute, hunleh hai neiloute, khotuahna nei loute ahi uhi” Siampu Eli jong innkuan en tup joulou mah abang sim hi. Ataten apa thu mang leh apa jahbawl hileh hichiang tanin a innsunguh om diingin a gintat huai sih hi. Ataten apa heetsiamna nei

lou uh, apa thuchiamte botsia uh, apa leh anu apat pianpih lungsiatna nei lou uh chih a Chiang mahmah hi. Ahinkhua uh leh atungva thil tungte apat aheet theih mahmah hi. Eli tate chuh khotuahna leh jahtatna nei loute ahi uhi... Temple a ki thoih diing a hung hohte khotuahna om kei louin ana khoih zial zial uhi. Innkuan a lungsiatna nei loute chu pil kisa jong le uh mingol ahung suah ta uhi. Tate hoih louh leh thuman louh na gag jong chu innkuan a buaina tun theih na ahi. Nuleh pate hoih louh na leh Pathian phoh jong lei tate et kol louh chuh buaina leh sihna, Pathian thangpaihna suh khah theih ahih dan a Chiang mahmah hi.

2nd Tim. 3:3 “ Itna pianpih nei loute, buaina bawlte, juau a miheehte, kideeh thei loute, mi huhamte, hoih mongmong deih loute,... Hichibang neite ahi innkuan sung a kituahna om theih louh na te. Kizah tuahna om lou, mahni hoih sah bang bang a um mai, koimah lauh nei lou, tulai khang chuh Noah khang toh aki bang mai ta hi, buai huai mahmah mai hi.

Innkuan ki lungsiatna dih tah neih na diingin hih anuai a Bible changte sim ni.

Rome 12:9-10 “ Lungsiatna chu heem bawlna teel lou hiheh, gilou photmah hua unla, a hoih lam photmah tu tinten un. Unau kilungsiatna in khat leh khat ki lainat tuah chiat unla, ki jahbawlana lam ah kideih sah tuah chiat un”

Storge lungsiatna chu leitung damsung a diingin a poimoh mahmah mai hi. Hih Bible a imuh uh kilungsiatna dih tah innsung a aom louh leh innkuan chu a buai ahi ta hi. Innkuansung ahung buai Chiangin a suh khah, anatna agu chu ahat mahmah hi. Papen lungkim thei lou, nu lungkim thei lou, tate lungkim thei lou, kipahna innkuan sunga um louh tah chiah ankam jong lim lou, tha jong hatlou, Bible kisim joulou, ki hamtei jou lou..... Unaute huchi bang hun hahsa na tuah kha ngei tai.. Bang na chi handle ei..

Innkuan khat mun khat a om khom louh chu a buai huai mahmah hi. Kei mah mimal tanchin tam lou ka hung gen ut hi. 2013 apat tuni tanin ka tate toh kum khat jong ka um khom kha non sih uhi. Tate chuh a ngaih huai thei mahmah uhi. Neocha a kikhen ngai, school kai na vai bang

ahi tang pi pen hi. Ha khat a khat vei teitei Lamka a lohlah kom leh pastor hamtei na ava tel jel ngai. Huloukal a khat vei bang naopangte school vai ava jin ngai. Exam hun bang va khat penpen bang in va umpih ut huai zel. Damlouh na bang hung um zel. Huchia iva et kol ngai zel... Khen khat ten hungna hesiam lou uh.. Lamka lam a bang bawl a omom chih bang... Hung zinmun na chia chih bang... Kiza mun mahmah... Houtute khen khat inn mai banga ki pai ngam khol lou.. Ahung moh salh khah di bang alauh a ki lauh thoh mai.. Lah pum a ki pum salh chih vel jong ipai dan uh bang sim nalai... Buai huai thou e..

Innkuansung lem thah chiat diin iki ngen uhi. Innkuan ah Pathian alung lut mahmah hi. Innsung ahung dam chiangin kouhtuam hung dam a, innsung a hung dam chiangin society hung dam a, innkuansung ahung dam chiangin pawlpi jong ahung dam hi. Hujiahin unaute innkuansung chi dam chuh a poimoh tampite lah ah khat ahih man in ngaikhoh chiat ni. Ken jong ka joh louh pen ahi a, nang jong na joh louh pen jong ahi mai thei hi.

Ipa inu itate iji ipasal isanggam imoute toh nikhat ni Chiang a vangam leh gawtmun a kikhen diing chu na ngaih ngam leh storge lungsiatna innkuan lungsiatna nei lou na hi kha diing hi.

3. Agape lungsiatna

What is agape love in the Bible? Agape love is the highest love ever. Agape love is the sacrificial love. Agape love is the unconditional love... ie.. Jesus Christ who died for you and me. Agape is the term that defines God's immeasurable, incomparable love for humankind. Agape love is active and also with action.

Pathianin atapa tang khat neih sun leimun niam pen ah ahung sol a ahung si a nang leh kei tan diingin leh agingta te a diing in.

John 3:16 chu gingtu chinin heet pen chi le ka chi khial lou diing ahi.

John 13:34-35 “ Thupiah thah ka hung pia hi... Khat leh khat ki lungsiat un, ken nang uh ka hung lungsiat bang in, khat leh khat na ki lungsiat uh leh mijousiahin ka nungjuite na hi uh chih a hung he diing uhi. Agape lungsiatna chu kipum

piah na ahi. Midangte a diing a sih ngam na ahi.

Unau tagah nih a um uhi. A nau zaw in zuleh sa ane a nop tahin a khosa hi. A upen in Pathian thu a jui a nichin in Bible te simin, anau a diing leh amah a diingin a thum gige hi. Nikhat chu anaopa in a zu don na mun ah aloipa temta in ahung dot ta a asi ta hi. Amah chu tual that ahung hita mai hi. Inn lam ah ahung tai a inn ah a upa ana om hi. Asanggampa temta leh sisan naisan toh innsung hung lut chu a upa alung kham mahmah hi. Bawi bang chi na hia chiin ahung dong ta hi. A naopan sil umdan teng a hilh a aupan bawi poina e maw... Ken Lalpa Jesu ka lal leh hundamtu diingin ka pom ta hi. Kei a diingin bang mah lungkham nang a um non sih hi. Ka sih leh ka hinin khrist a diing in ka hita hi. Bawi na puante sut inla, hiai a kei puante nang silh in chiin a kikhek pih ta hi. Bawi..lungsiat tahin ka thugen ngaiin achi hi. Kei tuin nang luang in ka si diinga, nang luang a si, na sual na hung tan khepa Lalpa Jesu Khrist lal leh hundam tuin ka sih nung chiah hung pom in aw... Nang luangin kei ka na pai diing hi achi hi. Policete ahung va koi

e tual that, a chi va a upa in kei achi a aman uhi. Atung thu ngaihtuah ahi a khailup dingin thu tan ahi a akhai lum uhi.

Hikhuh kipumpiah na khuh ahi... Agape lungsiatna. Jesu Khrist jong nang leh kei misualte a diing a hung kipiahna khuh ahi lungsiatna sang pen.

John 14:21 “ Koipouh ka thupiahte nei a jui chu kei hung lungsiat ahi”

Thupiahte chu lungsiatna ahi.. Huleh kei hung lungsiat chu kapa lungsiat in a um diinga” Jesu na lungsiat leh pa jong na lungsiat chih na ahi. A kawm ah ka ki lah diing hi... Jesu na kawm ah ahung kilah kha tai... Na lungthah niin na ki deeh jou ei...? Na muh niin na ki deeh jou ei...? Na kawm a um na taisan ngam ei..?

1st Cor. 16:14 “ Na sil bawl phot mah uh lungsiatna a bawl hi heh” Bang bang na bawl ei..? Lungsiatna a bawl ahi ei...?

1st John 4:8 “Lungsiatna neilou min Pathian ahe sih, Pathian chu lungsiatna ahi. Lungsiatna qualification chu Pathian ahi. Lungsiatna neih nangin Pathian amasa pen ahi. Pathian neih nangin lungsiatna apoi

moh hi. Ahihleh nang a um lungsiatna miten abang chi het theih viai...? Miten ahung het theih uh nang apat lungsiatna ahih loughleh muhdahna khat penpen ahi diing hi.

Agape lungsiatna chu a hoih mahmah hi. 1st Cor. 13 ah achiang mahmah hi.

Agape lungsiatna a heet dia hoih mahmah chu:-

Luke 10:27 “Lalpa na Pathian chu... Na lungtang jousiah.. Na hagao jousiah.. Na haat na jousiah... Na lungsim jousiah a.. Na lungsiat diing ahi. Jousiah chu bang zah ahi diai..? Akim khat chih na maw... Neokhat chihna maw... Hilou, abawnin chihna ahi... Huleh nang mah na ki lungsiat bangin na innvengte jong na lungsiat diing ahi.

John 3:19 “Hichu siam lough tanna ahi, vaah khovel ah ahung a, hijongleh miten vaah sangin mial a deih jaw uh, a silbawlte uh agit lough jiahin” Mihingte ki selsel jonglei ahung ki lang khe ta hi. Agape lungsiatna nei joulou te chu ihi uhi. Lametna chu Lalpa jalin a um veve hi unaute.

Ephsate 2:4-5 “Hijongleh Pathian khotuah na haopan,

alungsiatna nasatah a eite ahung lungsiat jiahin. Sual a si ihih lai un jong Khrist toh ahung suhing khawm ta a, lungsiatna a hutdam na hi uhi.. Amen”

1st John 3:1 “Ngaiun, bang chi lawma lungsiatna pain ei uh hung pia atai mah, Pathian tate chih a i um jiang uh! Hujiahin khovel in a hung he lou uh ahi, amah Lalpa (agape) aheet lough jiah un” Gingtute khovel mite lah apat nang hung lungsiat pa Lalpa jal in na tuam um ngam diai?

Na gintat leh Pain ahung ngaidam ta hi, bang jiahin a hung lungsiat jiahin. Gingtute galvan dingchu:- Mathai 5:44 “Hijongleh ken chu na kawm vah ka soi ahi....

(1) Na melmate uh lungsiat un... I melma te koite ahiai...? Ntbca lou phot phot ahih khah diing a lao huai mahmah hi.

(2) Hansia hung lohte vangpiah un... Nang leh kei a diing a kha deuh mai a hung han khum ek ek lungsiatna tel kei lou a hung bauh ekek jong houtu a um mahmah ding hi. Innsung ah jong a um mahmah diing hi. Society sung ah jong a um mahmah diing hi. Office ah

jong a um mahmah diing hi... Mun dang ah jong na tuah kha mahmah diing hi. Hute a diinga vangpiahna na hih lam ka hih lam het gige ahoih diing hi. Bangjiahin agape lungsiatna in ahung kan khom hi.

(3) Ahung mudah te diingin silhoih bawlsah in... Koite ahiai ahung mudah te... Gintat thu a mite se mahmah diing a koih veu te. Evidence um kei lou a min amah gen siasia diing banga ngaihtuah in pong po dou ek, pong muh dah diing a midangte en gige te... Amah lungsim, ngaihtuah na hoih lou tah belamvun silh asunglam ngia, pharisai lungsim...amah lungsim siat man a midangte huchi dia koih...lungsiatna himhim nei lou.. midang bang in nei dia koih te ahi uhi.... Hute a diingin nang leh kei in silhoih bawl sah theih na agape lungsiatna tung ton a bawl diingin Pathianin ahung deih hi.

(4) Ahung bawlsete leh ahung su duhdah te diingin HAMTEI sah un.... Gingtuten hinkhua a diinga hahsa mahmah leh hunchin a joh joh louh chu a diahin hamteina hi diingin ka gingta hi. Hamteina lah

gingtute a diing a hagao lam ankuang, buh leh meh tui tah mai lah hi, lah a ki jou jou lou mahmah khat ahi. Apostle Paul in Thesolonika te kawm a tawplou a hamtei diingin thu ana vaihah hi... Hoih mahmah hagao sumit sih uh chih bang hi nalai ahi... Ahihleh tuniin ahung bawlsete leh ahung suduhdahte diinga hamteisah chih bang chu mihing lunggel a chu hahsa bang mah ahi. Ahiin agape lungsiatna nei ten, agape lungsiatna a kan aum te a diingin sil hahsa ahi het sih diing hi. Koi e ahung hamsiat.. Na hamtei pih ta ei... Koi e ahung suduhdah na hamteipih ta ei.....? Na bawl khah nai louh leh agape lungsiatna na chi kituh michih a gingta te tung a jam chu nang leh kei tung ah ajam kha nai lou ahi diing hi. Agape lungsiatna power chu hamteina ahi.

4. Philia love.. Philia lungsiatna bang ahiai... Friendship ahi.

Lawita ki lungsiatna toh kisai ahi. Lawita kingaih chu lim dang mahmah ahi. Nu leh pate sang sang a jong kingai zaw a bang hi.

Rome 12:10 “ Unao ki lungsiatna in khat leh khat kilainat tuah chiat unla, ki

jahbawlna lam ah ki deihsah tuah chiat un” Unao kilainatna chuh Lalpa deihsah daan ahi a, unao jong kijah bawl diing, ki deihsah tuah diing ahi.

Hebrew 13:1 “ Unao ki lungsiat na umseh jingun” Hunchiam um lou diing pai jing jing diing ahi. Lawita sanggam bang a ki et na jong ahi.

Proverb 17:17 “ Lawm in chu bang chih lai pouhin a lungsiat a, huleh sanggam chu vangsiat na ni a diing a piang ahi” Lawita ki lungsiatna chu a sang mahmah mai hi. Hinna jong chan ngam diing khop lungsiatna ahi.

Lawita ki lungsiat na toh kisaiin ka lawipan lungsiatna a neih dan saolou in gial ni. Amah ahih leh Tv. Suanmung ahia apainna khua chu Lungthul L ahi. 2003 kumin Mizoram ah na sem diingin kava kuan uhi. Bangladesh Boundary lam ah kava pai uhi. Hun bangtan amaw nungin amah inn lam pai ut nai louin kou ka lawite toh ka pai uhi. Amah jong mamit ah khosa in kouhtuam lam ah nasa tah in khanglai lah ah ki mang hi. Huleh boxing jong ki molzel hi. Mitha hat leh chom ngaihna hao mahmah ahi. Khanglaite khompi mang

diingin a kuan uhi. Lampi ana hoih louin a tuanna uh gari lam siatna ah accident diin nasa tahin buai hi. Lamken ahih manin gari puh diingin lam hang lam sang tah a ke suh diinga tha khat a hung awn chu, alawipa khat atung apat ahung ke suh ta mai hi. Aman jong lam hang a lawipa buaisia, kaltou zoulou, gari ke suh dehdeh, gari aki tolh suh leh amah delh lum, net kha suh ding ahi chih la hetsa, lah paikhe zoulou. Lungkham tah a um lai un amah jong tomkhe suh in a lawmpa chu ava kai ta hi. Keen lah ahih jiahin apang thei hoih sih hi. Kai tou tung man louin gari chu vangsiat huai tah mai in ahung kesuh ta mai hi. Bang ahung chitai ichih leh vangsiat huai tahin anihun gariin a net lum ta hi... Amah ahih leh Mr. Ginsuanmung @ Zoumunga S/O (L) K. Daikhan khaute Assam Regiment pension tapa ahi.

Unaute lawita ki lungsiat na chu tehpih theih ding vang mahmah ahi. Lawita ki lungsiatna chu hinna jong phal ngamna ki lungsiatna ahi. Huchu lawita lah ah jat veh theih ahi sih a lawiginum te chouh in a lawi a diingin

ahinna ape ngam hi. Bible a imuh bangin lawita ki lungsiatna chu bang chih lai pouhin a hi gige ahi, mansa gige, peih jingjing chih na ahi.

Proverb 18:19 “ Unao suhling hihlough chu khopi kiptah lah sangin jong ahah jaw a” Unao pang khom a det dan agen na ahi.

Philia lungsiatna chu lungsiatna siangthou, lawita sanggam bang a ki et na ahi. Ki lungsiatna chu ki deihsah na dih ahih diing ahi. Nidanglaiin tangthu khat hichin ana kigen hi...

Lawita nih gam avah uh leh gamlah ah vompil a hung tuah kha ta uhi. Meithalin akap va vangsiat huai tahin vompil chu a si sih a aliam a ahung lungthah ta hi. Vompin lawita te gel ahung delh a khat pen chu a tai gamla a singkung ah akal a agal et thoh ta hi. Alawipa chu vompil zou louin bahsian lei lah ah lumin misi a hung ki neih ta hi. Vompin jong hoih tahin avel a anam vut vut ta mai hi. Huchin si mah ahi di chi a diai apai san ta hi. Alawipan vompin paisan ta hi chih ahet tahin va naih hi. Lawm vompin ahung vel vut vut a na bil vel ahung nam

vutvut bang mah lah ahung loh sih a Chin a dong hi. A lawipan lawm aw vompin ka bil ah na lawipa toh ki thuah non sin la taisan ta in lawi ginum lou ahi ahung chi achi hi...

2 pet 1:7 “ Na Pathian ngaihsah na vah unaote kideihsah na hal unla, huleh na unaote kideihsah na vah lungsiatna hal un” Lungsiatna chu ki deihsah na dih ahi..

Kumpi David in Uria chu deihsah tahin galma tonga a koih chu, a guh a lungsim sia pu tah a akoih ahi huchu si hen achih na ahi a deihsahna dih het lou ahi.

Somson jong Delailahin a deihsahna chu deihsahna dih lou ahi. Pathian ngaihsah diing, deihsah na dih leh lungsiatna dih a ki lungsiat diing ahi.

1st Pet. 1:22 “ Unaote tung ah lungsiatna daailou nei diing khop a, Phatuam ngaitahin khat leh khat lungtang siangthouin ki lungsiat tuah un”

1st Pet. 3:8 “ A tawppeenin, khat leh khat ki lainat tuah in, lungsim mun khat pua unla, hehpih siam unla, lungnem un” Simtute Lalpan hung ompih chiat ta hen... Amen.

KIPUMKHATNA

By ~ Upa T.Thanggin

Kipumkhatna chih thupi a zangin Pathian thu tamlou houlim tobang deuhin I Hinna thah uh tungtawnin ka hung gial hi. Gingftu hundam tate in Khrist Jesu toh kumtuang hun I zatkhawm hun a hung tun mateng in, Khrist toh kipumkhatna chu bukim tahtah nailou diing abang hi. Ahi'nlah Pathian suaah na tongtu khat ihihna jaal leh hagau Siangthou jaalin pumkhat a hingkhawm bangin I umthei veve uhi. Kipumkhatna chu chi tampi in jong a gentheih hi. KHovel kivaihawmna lamah jong a poimoh peen te lahah jong a telpha diingin a gintaat huai hi. Kipumkhat ichih chiang leh pangkhawm chihna ahi. Pangkhawm n amah chu kikhenlou kiselou lungsim munkhat pua Ginna vanga kituah taha hingkhawm seem khawm chihna ahi chih ei gingtute jong khovel a I um sungtengin Jesu toh pumkhat bangin I hingkhawm thei jong jing uhi. Bangchiin I hing khawm thei diviai John 15:4 keimah ah um ngiitngeet un,

kei jong nanguh ah ka um ngiit ngeet diing hi. Hithu chuJesu kengbula I kiphumluut theih na diinga thu kipaah huai tah khat ahibaanah I etsuh leh Grep gui pi leh a ba a kikhen theihlough daan I mu hi. A guipi apat a ba khat saattan lei tuala ke diinga gah chihthe um kiittalou diing tuni in nang leh ken Jesu toh ikichimatna enpha kiit lei ut huai ka sa hi. Grep gui pi leh a ba a kikhentheih lough mah banga nang leh ken jong I gah jing theih na diinga Jesu toh umkhawm tonkhawm ihih jing poimoh peenpeen ahi. Unau tulai I teenna uh khovel bangchiin na mu in na ngaihtuah ei ? Hun nunung lam chianga sil tung diing mawnga Bible in ana gen sa avele na chi mai thei hi.

Hun nunung hita chih bangchiin I mu ei ngaihtuah tham ching ahi. Kum nih Biahinn kikhaah kum nih Siamzilna School kikhaahta, sil chijaat huai leh limdang mahmah ahi hikhu in bangtobang gah ahung suangdohta diai ? Loi khatin jaw Pathian lam naih

seemseemna in jang diingin gingta ing. Loikhatin soal nopna chinteng bawlina in I jang jaw diingun ka gingta hi. Gingloute diingin I teenna uh khovel hi gaalmuanglou thawmhau huai ahita hi. Rapture jou chianga hun hahsa hung tung diing khu in Khovel su thawnhau sah ahita hi. Hujiahin unau Khrista toh pumkhat a hinkhawm poimoh peenpeen ahi. A koi akoi khovel I hin sungin kisiat kihau kouhtuam kikhen chihthe um nawn dah leh ut huai ka sapeen hi. Kum 2011, 2012 khoi kum peen ahi jaw diai ka he chiang chet nawn sih a, suan umlou tahin kouhtuam upa khat hi diingin teel chingin ka na um hi.

Kum tamtah sung chu kua sih kua hin phawhlou khop in nuam aki sa mahmah mai hi. Ajiahchu nu kipe jou leh thanuam tamtah aum a ini poimohte hu zat tah chiang bangin nuamkasatheipeetmah hi. Huchihlaitahin kum 2018 kum in kipumkhatna su keeh diingin chi hoihlou zung chu a zaam haat mahmah mai hi. Kum nih sung vingveng chu kouhtuam khantouhna diing sangin kinialna ngen in ahung ki jangta maia, a poi mahmah

mei hi. Kouhtuam kituahlou na naahnaah chu 2020 kum bul vaihawm khawm thei nawntalouin kikhenna ahung tuntama hi.

Hu kalsiah chu kinialna aw ging jaah diing um nawnlou in anuamta chih diing jong kikhenna ka puuahnat mahmah jiahin ka chi ngam sih hi. Koi diha koimoh chih chu heet hahsa taha banga, mihing ngaihdaan ah, Pathian in hi kaal thu vai hung hawm hileh chu nou jong dih jeel amah uh jong dih jeel ahung chih diing chu ka gingta het sih hi. Unau hi chu kua ka mohsat man aka hung gelh ahi sih a, I kouhtuam sung leh I pawl pi sungah hitobang buaina tung nawn dah hamham leh chih chu ka deih peen ahijiahin ka hung gial ahi jaw hi. Hitobang a tun nawnlouh na diing in bangchiin pan I lata diviai I damna diing leh pumhat a ihinkhawm theihna diingin chu vaihawmtu leh lamkaitute tungah akinga naah mahmah mai hi. Lamkai khat ka hung hihtaah in chu ka nuutsiat di bang ka neih khaah nailouh ka neih diinga ka laahluut diing bang hung umpah ngal ahi I paihkhiah diingte chu kiletsahnate

kisahtheihnate I heh baihnate hite bang ahi I paihmang diingte chu; Ka laahluut diingte chu kingaihngiamna thuaahtheihna a neupeena kingaihtuahna bang poimoh peen ahi. Kouhtuam hi in pawlpi hita leh kivaihawmna diing daan I nei chiat uhi. I daanuhzahtaatkawmkawmin vai hawm lei kua mah in bawl khial chihte umlou diingahi. Lamkai khat ka hihlechu ka Cabinet teng toh geelkhawm in soikhawm le ung chu bawl sual chih umlou diing ahi. Ka thu thu ka bawldaan daana ahi di himai I heutulian in hibang lungsim a hung neih chianga kipumkhatna kise jeeljeel thei ahi chih I mangngilh khaah diinguh lau um ka sa hi. MOsi in Pathian zaahdah thu tengkhat a kama apawt jiahin Kanaan gam a tung joutasih hi. I Bible in mikingaingiamte dopsang hi diinga,

mikiliansahte chu suhngiam ahi diing LKuke 14:11 na in asoi hi. I kouhtuam leh I pawlpi kipumkhat a kituaahtaha adam khawm jingjing theihna diingin I Lalpa Jesu Khrist iitna leh I kouhtuam pawlpi ka iitna mahmah jiahin ka hung gial ahi jaw hi. Kua loipawl leh mimal mohsatna jiah ahi sih hi. Pathian nna toh na lamah I pangkhawm seemseem diingva, I iit I ngaih tamtahte'n suunkhovaah mu nawnlouin ahung mualliamsantava, tong uut jong leh uh a tong thei nawnta sih uhi. Nang leh ken Pathian nna itoh theihna diing in sunkhovaah hoiehtah mai I tangnalai hilou maw, Unau. I toh theihlough hun ahung tungma'n theihtawp in I seem diing uhi. John 9:4. Gellkhial leh soivaal aum leh Lalpa minin na ngaihdamna uh ka hung ngen hi. Lalpa'n simtute tengteng hung vangpiahta hen. Amen.



KOUHTUAM KIHDAH HUAI

By ~ S. Pauchinlian

Pathian in misualte a lungsiat zing a, himahleh soal a huaah hi. Huleh kouhtuam sung a soalna chu a kihdah a hua hi. Korinth kouhtuam chu tulaia kouhtuamte toh kibatna haupen hi diing in ka koih hi. A kouhtuam sung vah buaina tamtah a um a, soalna a pumdim kouhtuam ahi chilei zong genvaal/gen uang talaw diing in ka kikoih sih hi. Korinth kouhtuam buaina 10 chiin a nuaiah khat khat in ka gualsuh hi. Hih a buainate uh a tamzaw nang leh kei kouhtuam toh kituah zong kasa mahmah hi.

BUAINATE

1. KOUHTUAM SUNG AH KIKHENNA (1 KORINTHTE 1:10-4:21)

Korinth kouhtuam sung ah kikhenna nasatah in a um hi. Hichu Romte tawndan in nasatah in a thujoh uh chihna ahi. Etsahna diing in nam ah kikhenna: Jews leh Jentel, khotaang ah: mipil leh mingol, a haat leh haatlou, a nei zou leh a zawng in. Romte thuneihna gamte ah kikhenna a um bang in Korinth kouhtuam ahzong a um hi. Kei Paula lawi, Kei Apollo lawi, chiin kouhtuam sung ah kikhenna deih huailoutah a um hi. Hujiahin Paul in na tahsami nalai uhi chiin a gen hi. Koih hizongleh Pathian nna tongchiat ahihdan uh a gen hi.

2. A PA JI KITEENPIH (1 KORINTHTE 5:1-13)

Korinth kouhtuam sung ah kingaihna thaanghuaitah, Jentelte laha zong um lou, mi khat in a pa ji a kiteenpih bang a um hi. Soal chia mohsahna, kouhtuam thununna bawl sang in a kiuahsahpih zaw nalai uhi (v.2). Paul in 'huchibang mi chu Lalpa Jesu Ni Chiang a a hagau hutdama a um theihna diing in, a tahsa suhmangna diing in Setan kawm ah pedoh un' a chi hi (v.5). Na lahva pat in migiloupa chu koihdoh un (v.13b). Ajiahchu i chiahkaan uh Khrist chu ei a diing in lat in a umta hi achi hi (v.7). 'Tol' themchakhat in tanghou beu a pumin a jeelsuaah veu hi chih na he sih uh maw? (v.6). Kouhtuam sung a hichibang

sualna chu, tol in tanghou a jelsuah toh tehkhin ahi. Hujiahin Kouhtuam sung a soal chu 'kouhtuam thununna' hoihtah a delhzui diing ahi.

3. GINGLOU MITE MAIAH COURT A KIHEEH (1 KORINTHTE 6:1-11)

Gingtute chu khovel vaihawm diing ihi. Pathian thu in bangchiin a gen ei? *"Hi thu chu a gintaathuai in adih hi. Ajiahchu Amah toh sit ai hihleh, Amah toh i hing khawm diing uhi. I thua leh Amah toh vai i hawm khawm diing hi. Amah i kiheetmohbawl leh Ama'n zong ahung kiheetmohbawl diing hi,"* 2 Timothy 2:11-12. Khovel vaihawm diing i hihbanah Angelte tunga vaihawm diing zong i hi chih a gen hi (v.3). Hujiahin na lahva silneu/thubuai neute nang uh leh nang uh ki vaihawm theilou nahi viaimah? A chi hi. Tuhun i kouhtuam sung uhleh khotaang sung zong Korinth kouhtuamte toh kikhiatna i nei tuan sih uhi. Kouhtuam sung a suhfel theih, khotaang sung a eileh ei kikaal a suhfel theih, mahni kidihshahna leh duhaamna te ziah in kituaahnate paampaih in, Pathian thu kiheetmohbawl in i gamtaang uhi. Khrist in

i mohnate a hung ngaihdam bang a kingaihdam theihna nasatah in i poimoh uhi.

4. NUMEI LEH PASAL KIKAAAL A THAANGHUAINA (1 KORINTHTE 6:12-20)

Korinth kouhtuamte in tahsa leh hagau chu a khen uhi. Tahsa uutna (outside marriage) chu polam ahihjahin soal in a koih sih uhi. Ka tahsa ka thu, kei a ahi a ka uut dandan in kazang thei hi chia tulai a hinkhua zangte bang ahi. Himahleh Pathian thu in hichiin a chi hi, *"Ajiahcu man a leis ana hi uhi; hujiahin na sapum uh leh na hagau un Pathian paahtawi un, huchu Pathian a ahi,"* achi hi v.20." Gingtute Pathian a i hihtaah ziah in ei mahni lungluutna leh deihdan a gamtaang thei ihi nawn sih a, Pathian deihlouh thil himhim chu i taihsan diing ahita hi. I silbawlte ah Lalpa'n loupina a tang diing ahi.

5. KITEEN THU A BUAINA (1 KORINTHTE 7:1-40)

Korinth kouhtuamte kiteenna leh zi/pasal neihlough (celibacy) tungtaang ah kituahlouhna a um hi. A khente in zi neih hoih chiin zi neilou/pasal neilou te

simmoh bawl uhi. Himahleh, Pathian in mi khenkhat chu zi leh pasal nei diing in a siam a, huleh a dang chu zi leh pasal neilou diing a siam ahihdan Pathian thu in a gen hi (v7).

6. KITHOIHNA SA NEEH (1 KORINTHTE 8:1-11:1)

Korinth kouhtuam sung a khristian khenkhatte in milim pathian kawma kithoihna sa aneeh uhi. Hitobang sa a hung neeh chiang un, ginna haatlou khenkhatte suzakiah in, kouhtuam sung ah buaina a um hi. Hujiahin Paul in midangte diing a puuhna siamtu hilou diing in a thuhilh hi. Hitobang sa neeh a siatna umlou himahleh, i gingmih khat puuhna tuntu ahih inchu bawllouh a hoihzaw hi. Pathian thu in hichiin a chi hi, *“An jiahin Pathian natohna suse sin. Sil zousiah chu a siangthou ngeei a, hizongleh a sil neeh a mi khat puuhna bawl chu amah diing in sual ahi,”* a chi hi Romte 14:20.

7. NUMEITE LU KHUH (1 KORINTHTE 11:2-16)

Kikhopna inn a ahung paikhawm chiang un, Paul in numeite'n a lu khuh diing in a thuhilh hi (pomdan a tam a i gensau sih diing hi). Hih in

a etsah chu kituhluutna ahi. Khrist Pa Pathian kawmah a kituluut a, Pasal a lu Khrist kawmah a kituhluut mahbang in numei zong alu a pasal kawm ah kituluut diing in a thuhilh hi. Numei in a lu akhuh chiang in kituhluutna leh zahna a ensah hi.

8. LALPA NITAAH AN ZANGKHAL (1 KORINTHTE 11:17-34)

Lalpa nitaah an chu Jesu Khrist in eite diing a Kross a natohna heetzing na diing hinapi in, Korinth kouhtuam in hibang in ana zang sih uhi. Huleh Lalpa nitaah an aneeh chiang un a hau leh a zawng kikaal ah ki deidanna/kituamkhenna a um a, hichu Pathian in a huaah hi. Ahihna dihtah a bawl ahihlouh jiah in. Lalpa heetzing na diing a bawl ahi (v.25).

9. HAGAU SILPIAH A BUAINA (1 KORINTHTE 12:1-14:40)

Hagau silpiah zousiah chu Pathian nna tohna diing a piahveh ahi. Hagau silpiah neu leh lian tuam a um sih hi. Himahleh Korinth kouhtuam te in 'haam heetlough' Hagau silpiah chu a dang sang in a koihsaang zaw jiahun, Paul

in hoihtahin a hihhchian hi. Hagau silpiah tuamchiat nei i hihna ah, ei kawm a hung kipiaah chu Pathian loupina diing leh Amah nna tohna diing a zat phatuam diing ahizaw hi.

10. THOHKIITNA THU A BUAINA (1 KORINTHTE 15:1-58)

Korinth kouhtuam a mi khenkhatte in gingtute thohkiitna um diing in a gingta sih uhi. Hujiahin Paul in thohkiitna um ahihdan leh Khrist thohkiitna bang in ei gingtute zong thoukiit diing i hihdan ahilh hi. Huleh

thohkiitna umlou, Khrist zong thoukiit lou ahihleh i ginna uh a thawn ahi diing a, huleh i sualna ah umzing nalai ihi diing uhi, a chi hi (v.17).

SUHDAMNA DIING:

Hibang a kouhtuam buaina, Korinth kouhtuam buaina chu Paul in ‘tanchinpha’ thuhilh tungtawn in a sudam hi. Tuniin kouhtuam tuamtuamte zong Korinth kouhtuam bang in sual a liamna in i pumdim veh uhi. Kouhtuam siangthou diing na deih ei? kouhtuam siat poi nasa ei? ahihloughleh na phal ei? **TANCHINPHA CHU I DAMNA AHIZING DIING HI.**



Tuin nanguh chu Khrist sapum na hi va, a mimal malin a hiangte na hi uhi. Huleh Pathian in kouhtuam ah hite a koih hi: amasapenin apostolte, a nihna ah zawlneite, a thumna ah thuhilhtute, hubaan ah silmah bawltute, huzohin suhdamtheihna silpiaahte, panpihtheihnate, vaihawm siamnate, haam tuamtuamte a haamtheihnate. A bawnun apostol ahi viai? A bawnun zawlnei ahi viai? A bawnun thuhilhtu ahi viai? A bawnun silmah bawltute ahi viai?

1 Korinthte 12:27-29

NA HAATNA BANG AHIAI

By L.Ginsuanmung, Office Assistant

“Hizongleh David chu LALPA a Pathian ah a kisuhaat hi”. 1 Samuel 30:6.

Khovel mihingte chu tawl baih, bah baih leh lungke baih mahmah i hi uhi. Tahsa chouh hilou in lungsim leh ngaihtuahna ah zong heetlough kaal in kibah in a kichau man man hi. Hi khu in a hung gahsuah chu lungkiahna leh maban sawn thei nawnlou diing khop a kingaihsiatna ahi. Hujiahin tha-thah laahna, ki suhthahna poimoh gige i hi uhi. Vangih puaah diing ahiai, sil hahsa deuh i bawl diing chiang in numeite natan in “kapa tanu!” chi va, unau Hmar te’n “Thoh taktak ei tiu” a chi uhi. Hubang bang a thalaahna “Pasal te’n, kapa tapa!” chih a jong a hihthei lough hun hahsa na tuaah kha ngei ei.? Huchibang hun in na haatna naah bang ahiai.? chih ngaihtuah kawm in haatna naah diing a muanhuai pen leh hoih pen, side effect umlou chih soikhawm diing ut huai i sa hi.

Kumpi David chu LALPA a Pathian ah a ki hih haat a chi hi. Hihun ah a din mun saulou i soi diing. Gaalsat a a um kaala

a khua uh Ziklag Amalek te’n ana sual na thu uh ahi. Michin teng sal in a man va, a innte uh a haalsah veh uhi. Hute lah ah David zite nih jong a tel uhi. David leh a kawma umte alungkham mah mah va, kah chih tah in a kap va, a aw uh suaah khe thei nawnlou khop tan in a kap uhi. A tawp tawp in David bang a ngoh va, suang a seh a tum uhi. Huchih hun tah ahi tu-a i Bible changteel a hung pianna. Bei dotna tawp khawh tuaah in haamhah huai petmah dinmun ah David chu a um hi. Beidot huai tawp tung in akawm a um mite jousiah heetsiamlough in a um hi. Hichibang hun tah ah David chu LALPA a Pathian a a kihih haattheih a hampaha mah mah mei hi.! Amah dihna a gen sih a, midang koi ahiai jong a lam-en tuan sam sih a, bangkim bawl thei LALPA mah achih theih chu athupi mah mah mei hi!

Unaute, Huchibang hun i tuaah hun tah chiang in koi

ahiai khat, counselling di ahiai, lawmte khat ahiai, a silbawlthei deuhthe leh a haamthei deuh chihthe bang, mite thulaah deuh koi ahiai khat lunggulh khaahna abaihlam mahmah mei hi. Hute va lunggulh khaah jong a sia i chi sih a, counseling bang jong phatuam mahmah kha mei thei mah chu ahi. Mipil leh siamna nei deuhthe bang va naih jong kithaman kha mei thei hi. Himahleh a ma'uhte'n ahuhg kawh muh diing uh jong sildang hilou in Pathian mah a ahii diing gingtat ahuai hi. Huchi ahii louh leh chu kingahna taah lou ahi diing uhi. Bang teng hileh Huchibang a beidawtna leh hahsatna tawp khawh tunga, lungkia leh mangbang kisa a, bah leh chau kisa a, haatna himhim nei nawn ta sih i chih hun in, haatna pe zel Pathian mah naih in Amah mah ah kihih haat lei a dam baih in a sawt daih pen diing chih i soi ut hi.

David in koi dang donglou in Pathian kawm ah "Delh leng ka pha na diai?" chiin a dong hi. Lalpa dawnna chu bang

ahiai i chih leh "Delh in napha ngeingei diing, na lakiit veh diing" chih a hi.

Unaute, Kingaihtuah thah kiit ni Pathian haanthawanna aw hichibang hun a i zaah theih ngei ngei diing ahi. Huleh David in Pathian thupiah bang in a delhsuh a, gualzohna lawm a nuamsa tah a umlai Amalekte a suahta um lou phial in zankhat leh nikhat mahmah sual in a mite tengteng melmate khut a kipat in a hundoh kiit veh a, huleh a Belaam honte uh a lah beh zawsop nalai uhi. Lalpa a kihihhaat na nana chu amalek te'n a lelta uhi.

Eiuh Gingtute jong hichibang lunglelh hun ah, natna leh lungkhamna tui-hual leh huihpi in ahung nuai jongleh Silbangkim bawl thei Pathian mai ah kituluut in, kihihhaat le hai, bangmah mansuah lou in, Pathian i muanna jah jah leh a tung ah kipahna toh i mu kiit ngeingei diing uhi. Lalpa ah kihihhaat chiat ni.

Lalpa'n simtu tengteng hung Gualzawl ta hen.



KUM SAANG LALGAM

By ~ S. Pauchinlian

“Huleh amah un ahung kikhop tahun a kawmah, “*Lalpa, tuin ahiai Israelte kawma lalgam na tunding kiit diing?*” chiin a dong uhi. Pa’n a hun leh a ni Amah thuthu a um diing a aguat chu, nang un na heet diing uh ahi sih hi. Hizongleh na tungva Hagau Siangthou ahung tung chiang in sibawltheihna na nei diing uhi; huchiin Jerusakem ah, Judia leh Samaria gam zousiah ah, huleh khovel kawlmong tanpha in zong ka thu heetpihtute na hi diing uh, a chi hi.” SILBAWLTE 1:6-8.

THUMAPUI

Bible a kigen kum saang lalgam bangchih hun a um diing a diai? Kum saang lalgam kichi bang a diai? Kum saang lalgam (millennium) kichi ahihleh, Khrist in kum saang khat sung David laltouphah ah tou a vai ahawm diing genna ahi. Kum saang khat (Millennium) khoiah a kimu ei? Bible Siamchiilbu apat Thuphuandoh tan ah “Kum saang khat” Thuphuandoh 20:1-7 sung ah chouh a muhtheih hi. Himahleh guup veitah ‘kum saang khat’ chih a ki gen nawn hi. Thuhun Lui lehhabu ah ‘Kum saang khat’ thumal chet in muhdiing um sih mahleh zawlneite in Khrist lalgam chu ahah gen mahmah uhi. Thuhun Lui Bible ah lalgam toh kisai kigenna mun 10 te ahihleh (hiteng chouh a

kigen chihna ahi sih); Isaiah 2:1-5; 11:1-16; 32:1-20; 35:1-10; 60:1-22; Jer. 31:1-40; 33:1-26; Ezek. 37:14-28; Amos 9:11-15 leh Zech. 14:6-21 ahi. Khristian teng in kum saang lalgam, Khrist vaihawmna a ki gingta veh a, himahleh bangchi bang a Khrist in vai a hawm diing leh hun ah pomdan a kibang sih hi. Kum saang lalgam (Millennium Reing of Christ) pomdan thumte ahihleh; Premillennialism, Amillennialism, leh Postmillennialism ahi. Tomkim in khat zawh khat in i en diing hi.

KUM SAANG LALGAM POMDAN THUMTE

AMILLENNIALISM

Hih Amillennialism te pomdan in ‘kum saang lalgam’ Thuphuandoh 20:1-7 a kigen

chu, tua ei kum sim dan bang ahi sih diing achi uhi. Huleh Bible a kum saang lalgam kigen chu etsahna dan (figurative) mei mei ahi a, kum tahtah ahi sih (not literal year) a chi uhi. Huleh hite pomdan in Khrist vaan a a kaltouh apat in a hung kiit tan, hu hun sung chu kum saang lalgam a chi uhi, hichu kum saang khat sang a tamzaw zong a hithei chihna ahi. Huleh amouh in Khrist lalgam chu Thuhun Lui a David lalgam khovel a um bang ahi sih a, himahleh hagau a/lungsung a Khrist lalna ahizaw a chi uhi. Tua gingu te lungsung a Khrist lalna ahi a chi uhi.

POSTMILLENNIALISM

Postmillennialism te pomdan toh Amillennialist te pomdan a kibang sim hi. Huchu Kum saang lalgam chu Khrist hungkiit ma a um ahi a chi uhi. Himahleh Postmillennialism te pomdan in Khrist hundamtu a hung pom a pung dungzuiin khovel chu ahung hoih deuh deuh diing a, khovel ah kituahna leh lemna um a hung um phot diing hi a chi uhi. Huzoh chiang in Khovel a vaihawm diing Khrist a hung kiit pan diing a chi uhi. Hichu kum saang lalgam zawh Khrist hungkiitna um diing chihna ahi.

PREMILLENNIALISM

Pre-millennialism pomdan chu kum saang lalgam pomdan thum teng laha pomdan ana um masapen ahi hi. Hih Pre-millennialist pomdan in, Thuphuandoh 20:1-7 sung a kum saang khat (Millennium) kichi chu, tua i kum sim bang a kum 1,000 chet a laah diing ahi. Huleh hichu Khrist in Thuhun Lui laia David bang a vaihawm a tou diing chih ahi. Huleh Khrist kum saang vaihawmna chu maban a rapture, gimthuahna hun (Tribulation) zawh a Khrist a hung kiit chiang a kipan diing ahi a chi uhi. Huleh Jesu Khrist in tuah gingu te lungsung/sung a a lalna zong a pom uhi. Himahleh hichu Kum saang lalgam kichipen in a pomsih uhi.

THUKHAAHNA

A taangpi in eilah a pomdaan i neih uh chu Premillennialism ahi. Hih Premillennialism in Bible chu a kigen bang bang a laah (literal interpretation) ahi ajuih uh. Bible etsahna/thildang genna (symbolic) ahi chih a chiangna hun ah chu ahi bang bang in a la sih uhi. Khristian teng in hitoh kisai in pomdan kibang a nei sih uhi.

Huleh kouhtuam khangthu ah pomveh uhi.
zong hichu pomdan kibanglou
tutan a kibanglou den ahi a, Lalpa Haamteina a, 'Na Lalgam
huleh Khrist hung kiit matan Hung Tung Hen' (Mat. 6:10)
pomdan ki bang veh a um sih chia nungzuite leh i haamteina
diing hi. Himahleh kibatna hung tung kaal chu i ngaahlah
khat aum hi. Huchu: KHRIST
HUNG KIIT DIING chih i veh uhi.



AUGUSTINE OF HIPPO TANCHIN (354-430 AD)

By ~ S. Pauchinlian

*Thakhat a lehkhathot ka sim a tawpna ka tung tah in, hamuanna
meivaah ka lung sung ah ahung kisung a, ka lungbuaina teng a hung
vengta hi –*

Augustine kipuanna ahi.

THUMAPUI

Teehsia upa mahmah khat a sih diing ngaah a lum khat in, a lupna apan
inn baang (wall) a kitaah Psalm lehkhahu kigialte a mu hi. Huchiin a
damsung hun neih nalai teng ni 10 sung hi Psalm lehkhahu kigialte
ngaihtuah in aum hi. Gimtah a um Augustine chu sihna haankhuuh zot
diing ngaah in, leitung nat-leh-sat teng nusia a Vaangam ah kipaahat
a tung diing ngaah in aum hi. A ziat, a vei buaina in tuam in a iit leh
ngaihtah khua zong luh (siege) in a um hi. Augustine a sih zoh in a
khosung luh diinga hung kuante khosung a hung tung tah un, khosung
mi a tamzaw a si leh gilkiial ziaha si diing ngen a mu uhi. Augustine in
kouhtuamte heng limdang in hinkhua a zang hi, amah ahihleh Pathian
thu zilte (Theologians), protestant thunatongtute leh Catholicite in a
ngaihsangte lahva khat ahi hi.

AUGUSTINE NEULAI LEH SIAMZILNA

Augustine ahihleh pilna leh siamna tampi nei mi ahi a, taangthu
suutte leh Pathian thu zilte in a ngaih thupi mahmah mi khat ahi. A
neulai a migilou mahmah ahiah in hitan Chiang a pilna leh siamna
hung nei diing in koima'n a koihthei sih uhi. A neulai in amah chu

lekhkhsiam lou, khel a khel lekhkhasim lungluut lou himhim naupang khat ahi. A pa Rome sorkar nuaiyah officer ahi a, a nu Monica ahiehleh Khristian sahkhuah a kituluut numei khat ahi. Augustine in lekhkhasim sang in amah kipaahna diing leh nopsahna diing chough en in hinkhuah a zang hi. A lawmte toh a inn geite huan a theite guzel in a taai zel uhi. Hichu a gilkiyal/duh ziah uh hilou in thilgu a kidelh nuam a sah ziah un ahizaw hi. Hubaan ah neeh – leh – dawn a guuh a tamzaw Vohte (pigs) a pe zel uhi. Hichia hinkhuah a zat jiahin Augustine tai/salh leh jepna tamvei pi thuaah mahleh ama'n poi a sa mahmah sih hi. Amah ahiehleh migilou, mi thumanglou, amah kipaahna leh nopsahna a buai pasal naupang khat ahi hi. Huchiiin siam zilna lamah Carthage khopi lekhkhasim theihna diing hun lemtaang a hung mu hi. Carthage ahiehleh Augustine te khua Tagaste toh teh diing in khopi lian tah ahiehleh in Augustine chu a khua uh Tagaste nuutsiat pah a Carthage lam a chiah diing a thanuam mahmah hi.

Anu etkolna leh iitna nuai a nuutsiat tah in, Augustine zong khangdong tampite'n inn a nuutsiat tahchiang va a zat uh hinkhuah te zang in aumta hi. Amah ahiehleh party teng ah chiah in hinkhuah nuamsatah in a mang a, huleh numei khat gaiin naukhat a nei uhi. Zi neileh a hinkhuah subuai diing ahi achih ziah in, nau nei mahlehuh Augustine in a ngaih zong nu a kiteengpih ut sih hi.

Nopsatah a hinkhuah a zat laiin Augustine in Philosophy leh mipi maia thugen uutna lamah a hung lungluutta hi. Huleh a hinkhuah zat dante a hung kingaihtuah thah hi. Hichu piching lam manoh ahiehleh a diai, ahiehleh a nu thuhilhna leh thuumna gahte ziah in a kingaihtuah sah hi. Hubanah Augustine chu a deih leh nopsahna hinkhuah zatdaante nusia in, a hinkhuah ahung siamphat sawm ta hi. Huchiiin pilna hawl na lamah ahung khangtou ta hi. A neulaia lekhkhasim diing deih zia a ki-jep, ki-vua jelpa tuin pilna leh siamna hawl in, a deih naah mahmah hi. Hichu a nu thuumna gahsuh a chihtheih hi. Bangziah in ahiai i chiehleh Monica in Augustine a ki siamthah a, Pathian lam a ngaih sah diing a deih mahmah jiah in a haamteisah zing hi.

Augustinte khovel siatna taisan a a kisiamthah vaang in, a piangthah ahi sih hi. Hubanah anu ginna Khrist tanchin a lungluutpih nai sih hi. Ajiah ahiehleh Augustine in Khristian kouhtuam chu mimawl (uneducated) leh lungsim neuta a diing chough in akoih hi. Huchiiin Augustine in pilna a hawl na ah kipaahna a mutuan sih hi. Zaleenna a nei a, lawmngaih zong a nei a, siamna, pilna leh nungzui tampi zong a nei a, himahleh amah ah kipaahna a nei tuan sih hi. Lung nopna

leh kipaahna aneih sang in a lungbuai in, a genthei mahmah a huleh kibawl hoihdan diing theilou in a um hi. Hih a buainate kumtam tah a buaipih den a, huleh Carthage, Rome leh Milan a teacher a pang laiin zong lungbuai in aum den hi.

A hinkhua ah kipaahna himhim aneihtheihlough ziah in sillimding a hung pethei hi. Augustine in a lunggulh leh deihteng a nei zou a, ahivvang in amah a diing in a kipaahna leh lung nopna anei bukim tuan sih hi. A hun paisa leh a niteng hinkhua zatdan chu kisiihna hinkhua in a dimden hi. Huchiin thutah hawl in hinkhua ahung zang panta hi. Augustine in a lunggulh teng a nei hi; philosophy lamah pilna a nei a, huleh mipi tampi maia thugen zong a siamta hi. Ahihvaang in amahchu a lungsim ah kipaah mahmah lou in, lungsim thawmhauna a nei zing hi. Amah mizia ahihleh mi khut nuaia um utlou mi ahi a. Hujiahin a khangdong lai hun teng mahni nopsahna a zang in, huleh chihhtah in amah tahsa nopsahna lama abualnate a phuang ngam hi. Amah ahihleh a lungsim ah amah leh amah kikalh/kinang in huleh a lungsim ah a hoih leh hoihlou a kidouna/kikalhna in Khristian thugin toh kinai Manichaeism ah a puilut hi. Manichaeism ahihleh Mani kichi pasal khat in a phuhdoh ahi a, huleh hih kouhtuam in silteng teng avom leh akaang, amial leh avaah in a hawmkhen chet chet hi. Hi thuhilhte in Augustine a lungluut sah hi. A hagau mial a um ahijiahin hagaulam vaahna a lunggulh mahmah hi. Augustine in Manichaeism tung taang thu ah dotna tuamtuam a boltah in a zuihpil a lawmte'n heutu lianpa FAUSTUS Mileve hung tung ngaah diing in a gen uhi. Ahiin FAUSTUS in Manichaeism thuhilh Augustine lungtungna tan leh deih bangtah in dawnna/hilhchetna a pethei sih hi. Hunung sawtlou in Augustine in Manichaeism te thuhilh dihluhdan te miteng maiah a phuangzaah ta hi.

Manichaeism in Augustine deih bang tah in kithuahpih theilou a, huleh a lungluut mahmah philosophy in zong Augustine lungkimna pezoulou hi. Hujiahin ama'n a lungsim buainate dawnna (answer) a hawling nalai hi. Rome khua ah lehkha hilh diing in a vajin a, huchiin Milan tan a vatung ta hi. Himun ah mi bawltheitah leh mi thupitah; Ambrose a vamuh kha hi. Ambrose ahihleh mipi maia thugen minthang tah ahi a, hujiahin Augustine in Ambrose chu a thugendan dihmah ahi diai chih heetchet uut in a kimupih sawm tinten hi. Huleh Augustine in a gintaat bang in Ambrose chu pilna, siamna leh thugen lam a thei thuu mahmah hi chih a hechiang ta hi. Huchiin Augustine in Ambrose hinkhua apat Khristian sahkua zuihna leh pilna sangtah nei

a kituaahtah a umkhawm thei ahihdan a muta hi. Ambrose in Khristian hihna toh pilna, siamna kikalh lou a anihva kituaahtah a aum a, lampi a kawhmuhthei uh chih amu hi.

Ahihvang in Augustine a piangthah pah nai sih hi. Ajiah ahiehleh ama'n tahsa nopsah lunggullhna lianpi a nei nalai hi. Kiphuangdohna (Confessions) kichi lehkhahu ah Augustine in a khangdonglai thuumna ah, "*Siangthouna leh kisuumtheihna hung pia in – ahihvang in tuinchu hihnai dah hen*" chiin a gelh hi. Augustine in a hinkhua ah thil a theihshiam theihlouh khat aum hi, huchu; Khristian monk te ahi. Hi Monks te'n leitung ah a neihteng teng, a nopsahnate uh, ji leh tate, innsung te a pedoh in Monastery ah aum uhi. Augustine ahiehleh mahni nopsahna khelah in a buai zing hi. Ama'n bangchidan a hi lehkhah helou (uneducated) te'n mahni kithunun a, kisuum theihna neitheih uh a diai? chiin a lungbuai mahmah hi.

AUGUSTINE PIANTHAHNA

Huchiin kum 386 AD in Augustine in a lungsim ah kihauna anei den hi. Hagaulam gilkiyal in inn mailam huan ah a vaah lehleh hi. Augustine in lungtang natna zong tahsalam natna bang in huaise thei ahi chih a thei hi. Amahchu huanah mawh vaah ahi sih a, himahleh a lungsung a thawmhauna leh halam buaina aneihte kigelna nei a vaah lehleh ahi. Hibang lungbuaina toh a vaah lehleh laiin, naupang aw ging khat a za hi, huchu, "*tawm inla, sim in, tawm inla, sim in (take up and read)*" chiin a zaah hi. Ama'n hichu a inn geite naupang khat gen hi chiin a koih a, ahivhang in ama'n naupang aw chu numei leh pasal ahieh a theikhen sih hi. Himahleh, Augustine in hi aw ging chu Pathian in amah a houpihna ahi chiin a khonung in a laah hi. A gei ah sawlleh Paul in Romte kawma a lehkhathot a um hi. Ama'n lehkhathot apheet in a ettah Chiang in Bible chang nih a va mudoh hi; Romte 13:13-14, "*Suun a um bang in dihtah in i um diing uh, thaangtat in leh zukham buai a umlou in, huuh leh kingaihna thaanghuai a umlou in, kihau leh kithangsiat a umlou in. Hizongleh Lalpa Jesu Khrist in kithuam unla, huleh tahsa uutna supiching diing in bangmah kibawl sih un.*" Paul lehkhathot a sim in Augustine lungsim ah kingaihtuahna lianpi ahung um hi. Hithute a simtah Chiang in a lungsim ah kiphawhna a nei hi. Hi Bible chang chu amah diing mawng mawng a kigial ahi chiin a kilaah hi. "*Thakhat a lehkhathot ka simleh a tawpna ka tuntah in hamuanna meivaah ka lungtang a hung kisung in ka lunga buaina teng a hung veng ta hi,*" Augustine in hichiin agen hi.

Hi huan (garden) a Augustine siltuaah in a lungsim a buaina teng leh siatna teng hih naupang aw ging leh a Bible chang sim in nasatah in a houlimpih a, thakhat pi in Augustine hinkhua ah kiheng limdang na ahung tung ta hi. Huleh hihun mahmah in Khrist ah hinna thah leh kizopna nei in Khristian a hung hita hi.

AUGUSTINE PIANTHAH ZAWH HINKHUA

Augustine Milan ah umpih diing in anu Monica ahung hi. Huleh Augustine inn a luut in anu kawm ah Khrist muta ahihdan ahilh hi. Hichu aneu apat anu Monica haamteina Pathian in adawng sahta hi. Huchiin Augustine in Milan nusia in, Anu leh a tapa huleh a naupangte tamlou toh midang tamloute puiin Cassiacum ah ha 7 sung ava umta uhi. Huleh hiah aum laiun Augustine in Khristian hinkhua zang diing in kisingsahna anei panta hi. Huleh 'Khristian hih leh pilna kikalh lou' ahi chih thuhilhtu Bishop Ambrose kawm ah, Pathianni khat in Augustine leh a tapa in baptisma a tangta uhi. Kum 387 in Augustine nu Monica khosih natna thuaah in a si hi. Hu kum in anu kum 56 ahi a, Augustine chu kum 33 apha hi. Augustine in anu sihna a gendan apuahnat huai mahmah mei hi. Ama'n kanu a mit ka siing sah a, huleh dahna in ka lungtang hung luahdim in ka mittui a hung luangkhe dehtah hi, ahivvang in ka mittui pawt diing ka kideeh hi. Aziah ahihleh ka nu sihna ah lunggimna leh kahna a dim diing ka deih sih hi. Bangziah in ahiai i chihleh sihna chu lunggimna leh hinkhua beina ahi a, ahivvang in ka nu sihna chu lunggimna hilou ahi a chi hi. Augustine in anu hihna leh Pathian ah muangna dihtah nei chih a theih ziah ahi.

A nu sih zoh in Augustine in a tapa pui in Rome ah tomkhat um diing in a va paita uhi. Hubanah Carthage a aum nalui leh Tagaste a pianna khua zong a va chiah hi. Hih a hohnate in Augustine hinkhua ah kiheng limdangna ahung tun hi. A tapa kum 17 a upa natna theihlouh in a hung si hi. A iit mahmah anu leh a tapa sih ziah in a hinkhua ah mangna (loss), lunglengna leh buaina banah, amah hinkhua ah zong natna thuaah mahleh Augustine in a ginna hahsuaah lou in dettah in Pathian a diing in ginumtah in a pang zing hi. Huchiin Augustine North Africa ah hung kileh in Monastic hinkhua a zang panta hi. Hippo khopi ah Bishop Valerius lamkaihna nuaiah kikhopnate ah a vatel zing hi. A kikhopna khat ah Bishop pa in a kouhtuam un siampu diing apoimoh dante a gen hi. Augustine in siampu (priest) hih diing a ngaihtuah kha ngei himhim sih hi. Ahivvang in a kikhopna va mipite ngaihtuah a tuam hi. Mipite'n Augustine ordained piah diing a chita uhi. Augustine in mipite deihsahna a tang chih a heettah in kipaahna

ziahin a kapdoh hial hi. Ahihvang in ama'n siampu a pang diing uutna a nei thei sih hi. Huchiin kum 43 a ching in a utlounate nusia in mipi deihna bang in kum 33 sung kouhtuam siampu nna a sepna ahung panta hi.

Ordination a tang zoh phet in Bishop Valerius ngetna ziah in Assistant Bishop in a hung pangta hi. Huchiin Bishop Valerius a sih in Augustine chu Hippo ah Bishop in ahung pangta hi. Hippo a Bishop nna atohna ah a kipumpiah mahmah a, khawllou in lehkhagelg leh thugen zong a habbawl hi.

Augustine ahihleh mi thuzohsiam ahi. A langkhat ah ama'n leitung pilna (philosophy) lehkhate a hilh a, hulouzong kouhtuamte ki heng limdangna diing thute zong a hilh hi. Thuhilhtu leh bishop ahiziah in thuhilh dihluu (Heresy) te a kinialpih in a maituah zel hi. A lehkhagelg tamzaw ahihleh thugin dih gupna, sahkhua dihluu kiloikhawmte demna leh unorthodox pawlte thuhilh dihluu chouna ahi.

Augustine in a dou masatpen ahihleh ama'n zong nidanga thuhilh a pom Manichaeism te ahi. Manichaeism in Gnostics te bang in leitung a thilteng chu vaah leh mial, hagau leh tahsa kikalh ahi chiin a khen uhi. Hi pawl thuhilh dan in Jesu'n tahsa (physical body) a nei sih a, hujiahin Jesu kross ah a si sih a chi uhi. Amah un Pathian sibawlteihna leh Siamtu ahihna apomsih uhi. Pathian a heetan uh Bible toh a kikalh hi.

Augustine in thuhilh dihluu dang a nang ahihleh Donatists te ahi. Donatist te pomdan in kouhtuam siampu dihluu in a dimta a, huziahin kouhtuam siangthou phuhdoh diing a chi uhi. Hite Augustine in hoiehtahin ana nang hi. Hi Donatist te thuhilh bang nial kalhna chu kum 100 paita a Roman emperor Diocletians hun laia umpan ahita hi. Hihun in Khristiante suhgentheih/soisahna (persecution) a tuaah uutlou te in a Bible uh haaltum in a hinna a humbit thei diing uhi. Huchiin kouhtuam lamkai khenkhat in huchiin a bawlva a hinna uh a humbit uhi. Ahiin adang khenkhatte in a ginna uleh Bible keembit in a hinna uh a taan uhi. Hunung kum tamlou in kumpipa bolgentheihna (persecution) chu ahung beita hi. Huin Bible tanpha haal a pang kouhtuam lamkaite in a dinmun mah uh ahung tu kiit tah un, suhgentheih lau loua a hinna pedoh a pang innkuan pihte a lungkim thei sih uhi. Hithu in kouhtuam sung ah buaina nasatah a tun hi. Mipite dotna lianpen ahihleh, hibang a Bible haal ngam a um kouhtuam lamkaite'n 'Lalpa Nitaah ann' a hawm thei diing uh maw? A chi uhi. Augustine

in hiteng ziah a kouhtuam siangthou kouhtuam dang phuhdoh diing chu a jadah hi. Augustine kouhtuam in siangthouna tup diing a jahdah a hi sih a, himahleh “Kouhtuam Siangthou” chi a atuam phuhdoh diing jadah ahizaw hi. Augustine uutlouhna jiah ahiehleh, leitung a mihingte hoihbukim theilou ahi a chi hi. Huleh Pathian gualzawlina siampute siangthou leh siangthou louhjiah a kinga ahi sih a, himahleh Pathian a mite diinga a ginumna ahizaw hi. Leitung ah siampu hoih leh hoihlou a um zing diing hi a chi hi. Hitoh kisai Augustine in Jesu ‘buhdah leh buhlem’ tehkhinthu zang in a hilhchiang hi. Lalpa Jesu in zong buhlaah hun tahchiang in, buhlemte lakhawm masa in a haal a, huchibang mahin Augustine in thutanna chu Donatist te hilou in Pathian in a bawldiing a chi hi. Huleh thugin tungtaang a kibuaina chu Augustine in Pelagius toh a kimaituahna anei kiit hi. Pelagius ahiehleh British Monk North Africa apat in Rome a hung tung hi. Augustine in Pelagius toh kinialna sangtah anei uhi. Huchu سوالنا ahiehleh Adam a pat a leitung a mihing pasal leh numei te kawm a tung hilou chih thu ah a kinial uh hi. Pelagius pomdan in ‘miteng in soal anei a huleh huh soal chu mahni deih/utna ziah ngen ahi’ chih a gingta hi. Hulouzong سوالنا toh mihing dinmun a kizop sih hi a chi hi. Ama’n a hilhna ah mihingte’n سوالنا bei hinkhua Pathian hehpihna tellou in zong a muthei diing uh a chi hi.

Augustine pomdan in soal (original sin) chu Adam a pat hung kipan in huchiin mihing a piang zousiah ahung zelsuah a chi hi. Hujiahin mihing te’n Pathian hehpihna leh hutdamna i poimoh uh a chi hi (Romte 5:12). Huleh ginna chu Pathian apat kouhna tang masa louin a nei sih diing uh a chi hi. Catholic kouhtuam in Pelagius thuhilh chu, Carthage a Vaihawmna “The Council of Carthage” ah thuhilhna dihlou ahi chiin ana mohpaih (denounced) ta uhi.

AUGUSTINE LEKHAGELHTE

Augustine in thugin toh kisai hilou hahsatna/buaina dang tampi a tuaah hi. Kum 410 in Alaric in German Visigoths te’n hung lamkaih in Rome a luh (attacked) uhi. Lunggimna in thuan in gamsung lamkaite in surrender theihna diing in a ngeen ta uhi. Alaric hangsantah in jumlou in amah uh kawm ah “Na sana, na sum eng leh suah a na zat uh German mite hung pedoh un” chiin a ngeen hi. Amah leh a sepaihte’n Rome khopi sung neih leh gou zousiah a va laahsah uhi. Ahihvang in Alaric chu Arianism Khristian kouhtuam mi a kichih ziah in Biahinn apat sum leh van a laah teng chu a nung piahkiit hi. Rome khopi sung a luhzoh tomkhat zoh in Alaric a sita hi. Amah sih nung in a sepaihte’n

North Africa lam zuan in apai uhi. Visigoths sepaihte'n hun tomkhat zoh in Augustine in angaih mahmah Hippo khopi zong a valuh uhi.

Mitam pite'n Rome nusia in North Africa leh Hippo a zuanta uhi. Augustine in gaaltai mite theihtawp suah in ana enkol hi. Dotna hahsa mahmah khat Augustine in a tuaah hi. Gaaltaite laha Khristian hiloute'n hichiin a chi uhi, 'Rome mipite chu nidang a Rome lutlai a milim pathian a biahte un a gawt ahi a chi uhi. Bangziahin ahiai i chihleh Romte'n kumpi Khristiante posah in huleh Khristian kouhtuante aphuhdohsah ziah ahi a chi uhi. Hi dotna chu lungkhoihtah ahi hi. Huchiin alah va mipi tamloute in a milim pathiante uh bethah di'n a gen uhi.

Augustine in hi mipite dotna leh lungbuaina hihchianna/dawna pe diing in kisa in kum 16 sung in 'Pathian Khopi' (the city of God) chih lehkhabu a gial hi. Ama'n Khristian te kawm ah hichiin a hih hi, tuin leitung khopi a um i hiva, himahleh eite chu kumtuang in 'Pathian khopi' a um diing ihizaw uhi a chi hi. Hih a lehkhagelch chu khopi nih tungtaang ahi a, khopi khat chu tomkhat sung umna diing ahi a, huleh a khatpen ahiehleh kumtuang a teengden na diing ahi. Hi lehkhabu chu huhun laiin mite simnop pen ahi a, huleh mite'n lehkhabu ahung simpat tahchiang un tunglam kinepna apia hi. Huleh i hinkhua uh chu a tawpna hinailou a kipatna hizaw ahi chih ahung theichiang zaw uhi. Huleh Augustine in Khristiante kawm ah, hi leitung silte ah kinem lou a tunglam a kumtuang a umdiing ah kisahkawl diing ahi a chi hi. Augustine in Visigoths thuhilh dihloute a khaam zousih a, ahivhang in Khristiante lungsim leh ngaihtuahna leitung silte hiloua, ahung tung diing kumtuang daih diing silte ah kisahkawlna ahilh hi. Augustine in lehkhabu 100 saang a tamzaw a gial hi. Sermon 500 gen in huleh lehkhathot 200 vaal gelhdoh hi. Kouhtuam lamkai dangte bang in Augustine in amah hun laia kouhtuante leh tuhun tan a mite a lehkhagelch tungtawn in a heng limdang zou mahmah hi.

A lehkhagelch laha a minthang peen ahiehleh "Confessions" lehkhabu ahi. Aziah ahiehleh hi lehkhabu in amah hinkhua leh a pianthahna tanchin agelch hi. Huleh hi lehkhabu chu Pathian kawm a lehkhathot bang ahi hi. Confessions lehkhabu a hinkhua tanchin ahiehleh REVISIONS lehkhabu chu siamna, pilna lamah a tanchin ahi diing hi. Revisions lehkhabu ah Augustine in a lehkhagelch masa dihloute suhdihna leh etthahna a nei hi.

Augustine in lehkhabu tamtah thugin toh kisai, pilna toh kisai bang,

Bible letdohna bang, thuhilhtu dihluu/Heresis te tanchin kichi tampi a gelh hi. Amah hun laiin Augustine in leitung lehkhahu tampi gelh in hute tunitan in simtheih ahi nalai hi. Protestantste'n Augustine lehkhagelhte Pathian hehpihna nasatah a agen ziah in a sim utva, huleh Catholic te'n kouhtuam deihsahna leh sacrament tungtaang a gelh ziahin a sim ut uhi. Ahihvang in tomkhat zou in amah bawlkhialna umlou in a lehkhagelhte a zang khial un a dem uhi.

Augustine taangthu chu mi su thathou mahmah khat ahi. Amah ahihleh a hinkhua masa lama migilou, pilna hawlni, thutah hawlni, a sil hikhialte pomthei mi ahi. Huleh amah nopsahna lam a kibualnate chu tukhang a gingtu tampite'n i hinkhua va i buaipih leh utnate, siatna lamah i thanuam daante utoh a kibang hi. Amah ahihleh natna tampi a nei a ahihvang in Khrist gingtaatna ziah in a damtheita hi. Ama'n thuneihna te ahawl sih a, ahihvang in mohpuahna a kipiah tahchiang in kuhkaltah leh lungluuttah in a mohpuahnate a zou zel hi.

HOPE BAPTIST CHILDREN HOME PANPIHNA SILPIAH MUHDAAN - 2021 (MAY - JULY)

Sl.No.	Names	Address	Items
01.	NTBC, Numei Pawl	Bible Hill, Rengkai	Rice 190 Kgs.
02.	NTBC, Numei Pawl	Simveng	Rice 100 Kgs.
03.	N. Thangzahau	Tuibuang	Secondhand Clothes 1 bag, Sugar 2 Kgs, Sweets 1 Pkts, Biscuits 3 pkts.
04.	Th. Paukhup	Zoutung Siing 5	Khangkhu, Nahtang Khil 9, Kgs.
05.	Kamthansang	Zion veng, Rengkai	Aieng 3 Kgs.
06.	T. Danial	Simveng	Eggs 1 Box.
07.	T.Vungminthang	Taanguam	Rice 50 Kgs.
08.	NTBC, Tuibuang	Tuibuang	Rice 60 Kgs.
09.	Lalremmawi	V. Munhoih	Sweets 2 Pkts. Walyte) RS 6 Pkts. Bisuits 72 Pkts, Nail cutter 2 pcs.
10.	Joseph Thangsing	Beulahlane	Uum 20 Kgs. , Vohbual 20 Kgs. Mehnal 20Kgs.
11.	P. Khamsanglian	Mata	Oxymetre 1 Pieces.
12.	Th. Soizamang	D. Phailian	Watermelon 40Kgs.

- | | | | |
|-----|--|-----------------------|---|
| 13. | Khamthianmang Th. | Simveng | Watermelon 11 Kgs. |
| 14. | H. Kamlianhang & Family | Leijangphai | Beteh lom 51 |
| 15. | Pa Soithianhang Th. | Chiengkawn | Layer aahnou 150 Pcs, aah
annpiahna leh tuipiahna, football 3,
Volley ball 1. |
| 16. | Chingliankim | V. Munhoih, New Lamka | Ankam lom 36,
beteh lom 11, Tuaiiky 30 |
| 17. | Meena | Bible Hill, Rengkai | Ankam hunkhop |
| 18. | Neiniang | Bible Hill, Rengkai | Mehdiing anteh hunkhop |
| 19. | Ngaizahoih | Khominthang | Ankam lom 6, Sugar 2 Kgs. |
| 20. | NTBC Tuibuang | Tuibuang | Rice 60 Kgs. |
| 21. | Pastor Haubuang | Suangpeehmun | Nahtang uum bag khat. |
| 22. | Lalchinhau & family | V. Munhoih | Rice 50 Kgs. |
| 23. | Khuangnung KLP | Khuangnung | Sa saatpah alian 1 leh aneu 1 |
| 24. | S. Haupi | Tuikumualum, | Milk 1 Kgs, Sugar 1 Kg, Tea leaf 1 Pkt. |
| 25. | Rev. K. Hangnung | Simveng | Mango (Hai) hunkhop |
| 26. | Nianglam | Bible Hill, Rengkai | Secondhand hunkhop |
| 27. | Rebecca | Simveng | Ankam bengdim khat. |
| 28. | Pastor Khaizalal | Thanlon | Tuaitu 3 Kgs. |
| 29. | Tv. Douthianmuang & Tv. Siam Samte Lamka | Children Home | naupang teng samtansah |
| 30. | Pastor Zambiaklian | Maukot | Ankam bag khat. |
| 31. | James Douminlun | Sweets 5 Pkts. | |
| 32. | Tv. Ngaihsang | Gwuhati | Eggs 1 box. |
| 33. | Ntbc, Dumsau | Dumsau | Rice 66.5 Kgs. |
| 34. | Th. Paukhp | Zoutung | Tangmai Pum 21,
Nahtang khil 8, leh
mehdiing hunk hop |
| 35. | Lamnem | Simveng | Mango (Hai) pum 41 |
| 36. | Manngaihnm | Elimveng, New Lamka | Rice 100 Kgs. |
| 37. | Tv. Sangmuan & family | Simveng | Rice 50 Kgs, Bawngsa mehkhath |
| 38. | S. Ngulchinkhp & family | Simveng | Rice 50 Kgs. |
| 39. | Nu Neiniang | Bible Hill | Meh diing Annteh huankhat. |

THANK YOU NOTE

Amasapeenin kouhtuamte leh Simtu jousiah Lalpa Jesu Khrist minin Chibai. Sihna leh natna in I gamsung ahung tuam vengvung jing lain kouhtuamte na tawmngaihna uh Children Home a diing loupe kasa va, na kiphalnate uh jiahin Lalpa min ka phat uhi. Huleh mabaanah jong tagah gentheite a diinga thanop suahtou jeel dingin jong ikilamenva, theihtawp suahtou jeel diingin ka hung gen sawnsawn hi. Silpiah leh haamteina tungtawna hung na haamteipihthe tengteng Lalpa'n aleh tampi in hung vangpiahta hen, Aman. Kipaah ung.

Rev. Th. Thangzasiam, Home Father.
Hope Baptist Children Home, Bible Hill, Rengkai.



BOOK POST

(PRINTED MATTER)

POSTAL REGD. NO. MNP-60

To.

.....
.....
.....
.....

PIN

<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>
----------------------	----------------------	----------------------	----------------------	----------------------	----------------------

If undelivered return to:

New Testament Baptist Churches Association

Regd no. 1192 Of 1973 Under Society Act XXI of 1860

Post Box - 45 Bible Hill, Rengkai

Churachandpur - 795128, Manipur, India.